

Հավելված

ՀՀ Լոռու մարզի
Թումանյան համայնքի ավագանի
2023 թվականի սեպտեմբերի 14-ի 59-Ա որոշման

ԹՈՒՄԱՆՅԱՆ ՀԱՄԱՅՆՔԻ 2024- 2026 ԹՎԱԿԱՆՆԵՐԻ ՄԻՋՆԱԺԱՄԿԵՏ ԾԱԽՍԵՐԻ ԾՐԱԳԻՐ

Թումանյան համայնքի 2024-2026 թվականների միջնաժամկետ ծախսերի ծրագիրը հաստատելու մասին նախագիծը մշակվել է «Տեղական ինքնակառավարման մասին» և «Հայաստանի Հանրապետության բյուջետային համակարգի մասին» օրենքների պահանջներով::

2024-2026 թվականների միջնաժամկետ ծախսերի ծրագիրը, լինելով համայնքի եկամուտների ձևավորման ու ծախսերի կատարման տարեկան ֆինանսական ծրագրերի ուղենիշային փաստաթուղթ, ուղղվում է տեղական ինքնակառավարման մարմիններին օրենքով վերապահված լիազորությունների շրջանակներում համայնքային ծրագրերի իրականացմանը: Այն ակնկալվող եկամուտների և առաջարկվող ծրագրերի ու միջոցառումների համապարփակ թվարկումն է 2024-2026 ֆինանսական տարիների համար՝ ՏԻՄ-ի գործունեության յուրաքանչյուր բնագավառում:

Համայնքի միջնաժամկետ ծախսերի ծրագիրը համայնքի հնգամյա զարգացման ծրագրի դրույթների իրագործման հիմնական գործիքն է, որը հնարավորություն է տալիս առավել իրատեսական և առարկայական դարձնել նախատեսվող ծրագրերը: Եթե համայնքի զարգացման ծրագիրը հաստատվում է մեկ անգամ՝ ավագանու լիազորությունների ամբողջ ժամանակահատվածի համար ապա համայնքի միջնաժամկետ ծախսերի ծրագիրը մշակվում և հաստատվում է յուրաքանչյուր տարի՝ առաջիկա երեք տարիների համար: Այն հստակեցնում է եռամյա ժամանակահատվածում համայնքի ծախսային քաղաքականությունը տարեկան կտրվածքով՝ հնարավորություն տալով համայնքի համար միջնաժամկետ հատվածում կառավարելու համայնքի ֆինանսական ռեսուրսները և ստեղծելու պատշաճ ծրագրային հիմքեր առաջիկա տարվա համայնքի բյուջեի նախագծի մշակման համար: Համայնքային ոլորտային գերակայությունները որոշվում են ինչպես համայնքների զարգացման հնգամյա ծրագրերի գերակայությունների, այնպես էլ ՀՀ կառավարության ծրագրերի առաջնահերթ ուղղությունների և հանրային քննարկումների հիման վրա :

Հաշվի առնելով Թումանյան համայնքի զարգացման 2024-2026 թվականների միջնաժամկետ ծրագրով նախատեսված գերակայությունները, ընթացիկ տարում իրականացված ծրագրերի արդյունավետությունն ու դրանց զարգացման միտումները՝ համայնքի զարգացման հիմնական ուղղությունները միտված են լինելու բնակչության կենսապայմանների բարելավմանը և բարեկեցիկ ու հարմարավետ միջավայրի ձևավորմանը, համայնքի ենթակառուցվածքների արդիականացմանն ու զարգացմանը: ՀՀ Լոռու մարզի Թումանյան համայնքի զարգացումը 2024-2026 թվականներին հենվելու են սոցիալական, մշակութային, բարեկարգման, գյուղատնտեսության զարգացման, համայնքի կայուն զարգացումն ապահովող քայլերի հետևողական իրագործման հիմքի վրա

Համայնքի ՄԺԾԾ-ն բաղկացած է երկու մասից՝

1Ձ Համայնքի եկամուտները շարադրող մաս

27 Համայնքի՝ հնգամյա զարգացման ծրագրից բխող ծախսային քաղաքականությունը շարադրող մաս:

28 Եկամուտները շարադրող մասը պարունակում է առաջիկա երեք տարիների համար բոլոր տեսակի եկամուտների ուղղությամբ կանխատեսումներ:

29 Ծախսային քաղաքականությունը շարադրող մասը պարունակում է այն արդյունքները, որոնց համայնքը ցանկանում է հասնել իրականացվելիք ծրագրերի շրջանակներում ծախսեր կատարելու միջոցով: Թումանյան համայնքի համար առաջիկա տարիներին կարևոր է տնտեսական միջոցառումների իրականացումը, եկամուտների ու բոլոր այլ ռեսուրսների նպատակային վերաբաշխումը, բնակչության բարեկեցության աճը, ինչպես նաև սոցիալ-տնտեսական ճիշտ քաղաքականությունը:

2024-2026 թվականների եռամյա սուբվենցիոն ծրագրերի շրջանակներում կապիտալ ծախսերի ուղղություններն են՝

17 Թումանյան քաղաքի բազմաբնակարան շենքերի շքամուտքերի վերանորոգման ծրագիր

28 Քարինջ, Մարց, Չկալով բնակավայրերում գազաբաշխիչ ներքին ցանցի ընդլայնման ծրագիր

3 Դսեղ բնակավայրի 5-րդ փողոցի փոքր հրապարակի բարեկարգման ծրագիր

48 Թումանյան, Մարց, Շամուտ, Աթան, Դսեղ, Ահնիձոր, Քարինջ, Լորուտ, Չկալով

բնակավայրերի գիշերային լուսավորության ընդլայնման ծրագիր

58 Շամուտ բնակավայրում արարողությունների սրահի կառուցման ծրագիր

68 Դսեղ բնակավայրի ոռոգման ցանցի վերանորոգման ծրագիր

78 Թումանյան քաղաքի 5-րդ փողոցի տուֆով սալարկման ծրագիր

88 Դսեղ բնակավայրի ոռոգման ցանցի կառուցման ծրագիր

98 Չկալով բնակավայրում խմելու ջրի արտաքին ցանցի ջրագծի կառուցման ծրագիր

108 Թումանյան քաղաքի կենտրոնական փողոցի ասֆալտապատման ծրագիր

118 Դսեղ բնակավայրի խմելու ներքին ցանցի վերանորոգման ծրագիր

2024-2026 թվականների եռամյա ծրագրերի շրջանակներում համայնքի բյուջեի միջոցներով կվերանորոգվի Շամուտ և Լորուտ բնակավայրերի վարչական շենքերը:

Թվարկված ծրագրերը վերջնական չեն, յուրաքանչյուր տարի, ելնելով ֆինանսական հնարավորություններից ու նախորդ տարվա ծրագրերի ավարտական աստիճանից, դրանք ենթարկվում են փոփոխության, ինչպես նաև առաջանում են նոր առաջնահերթություններ: